

SURSELVA

Di internaziunal dallas dunnas a Tujetsch



Anna Golub cun feglia oriundas da la Ucraina ha cuschinau al «Food Festival» a Tujetsch.

FOTO ANDREAS CADONAU

L'Uniun da dunnas Tujetsch ha envidau la mesjamna vargadaagl «Indoor Street Food Festival.» Pliaras dunnas che vegnan da diversas tiaras e che vivan ella vischnaunca tuatschina han cuschinau a caschun dil festival specialitads da lur patria. «Nus havein viliu honorar aschia il gi internaziunal dallas dunnas di 8 da mars 2023» ha la presidenta da l'Uniun da dunnas, Nicole Solér getg. L'uniun ha envidau tuttas dunnas dalla val per gustar las specialitads jastras, seser da cumpignia e da dar ina paterlada. Cun success, biaras dunnas tuatschinas han dau suatientscha agl invit dalla Uniun da dunnas Tujetsch. (fmr/ac) **Pagina 7**

SURSELVA

Venderdi, ils 10 da mars 2023

«In festival a favur dalla solidaritad»

L'Uniun da dunnas Tujetsch ha organisau per tut las dunnas tuatschinas in festival da tratgas ella sala Cristalla a Sedrun. Per las tschaveras han diversas dunnas che vegnan dad ordvart e che vivan ella val procurau. In festival da solidaritad pil gi internaziunal dalla dunna.

ANDREAS CADONAU/FMR

La sera ei stada reservada cumpleinmein allas dunnas tuatschinas. La sera di 8 da mars 2023, il gi che vala officialmein per gi internaziunal dallas dunnas. E quei gi han las dunnas dalla Uniun da dunnas Tujetsch viliu honorar en ina moda ni l'autra, sco quei che la presidenta dalla uniun da dunnas, Nicole Solér ha dau dentellir. La suprazonza dalla uniun ei la finala secunvegna da d'organisar in «Indoor Street Food Festival» ella sala Cristalla a Sedrun. Enconuschentamein sesanfla la vischnaunca Tujetsch sisum la Surselva, giud via eis ella perquei insumma buc. Da quei han ins pudiu seperschuader la mesjamna vargada. Ina tempra internaziunala ei stada presenta ella sala Cristalla. E per quella tempra han dunnas che derivan da divers encardens dil mund procurau. Dunnas setratgas neutier e ch'ei oz sesentas ella Val Tujetsch. «Nus havein envidau ellas da cuschinar tratgas specificas da lur patria» ha Nicole Solér getg.



Theres Marty e Christine Casanova (da sen.) han purschiu specialitads culinarias dil cantun Uri a caschun dil gi internaziunal dallas dunnas.

FOTOS ANDREAS CADONAU



Ferton che Maribel Lopez ha delectau las dunnas tuatschinas cun ina tratga spagnola.

auter han ellas farg gust allas dunnas tuatschinas dad empruar la pasteta uranese. Probabel meins ord libra veglia in Anna Golub cun sia famiglia dacasa a Camischolas. La dunna deriva dalla Ucraina ed ha bandunaun cuagl um e treis affons la patria avon in onn silla fugia dalla tiara. «Miu fegl giuven haveva dus meins cun nus essan vegni en Svizra.» Anna Golub che ha empriu enteifer in onn tudestg e che lavura en in hotel a Tschamut ha denter auter cuschinau ina suppa beinencunuschenta en sia patria che senumna «Borschtsch». Ed ella ha mussau sia broschia ch'ella ha creau sezza cun las insignias dalla Svizra e dalla Ucraina.

Envidau las dunnas dalla val

E per degustar las delicatessas ha l'Uniun da dunnas envidau tut las dunnas dalla val per seser da cumpignia, dar ina paterlada e guder differentas specialitads, sco igl ei stau d'intervegnir neu dalla invitaziun. «Igl ei adina grev da schazegiari contas persunas che separticipeschana a nossas occurrenzas,» ha Nicole Solér explicau. Las organisaturas han quintaun cun 30 entochen 40 dunnas che dettien suatientscha agl invit, varga 80 dunnas han seschau carmalar digl event. Per cuntentientscha dalla suprazonza dalla Uniun da dunnas Tujetsch che secumpona sper la presidenta Nicole Solér da Janette Derungs, Petra Schmid, Lea Werther e Maria Santos. Da munconza d'engaschi para l'uniun buca da pitir.

L'Uniun da dunnas Tujetsch dumbra circa 150 membras e da quellas ein biabein 40 ordvart activas. Ed innovativas, sco quei ch'ellas han tradiu a caschun dil gi internaziunal dallas dunnas.

Digl Uri entochen la Columbia

Dunnas oriundas dalla Hollanda, dalla Tailanda, da Sri Lanka e dall'Italia, dil Portugal, dalla Ucraina sco dalla Columbia e neu dil cantun Uri han procurau per il flair internaziunal e presentau las atgnadads culinarias da lur tiaras. Sco per exempel Maribel Lopez che vegn oriundamein dalla Columbia. Ella ha purschiu tortillas spagnolas. «Magari eis ei buca sempel d'anflar las ingredienzias necessarias per las tratgas.» Da tschella vart dil Pass Alpsu vegnan Christine Casanova e Theres Marty che han tradiu da sesentir ordvart bein en tiara romontscha. Denter

«Magari eis ei buca sempel d'anflar las ingredienzias necessarias per las tratgas.»

Maribel Lopez, oriunda dalla Columbia